

## Evening Dogri (NSD) Bulletin 04-04-2024

### आकाशवाणी

खास खबरां...

- 1 चुनां आयोग नै 85 ब'रे कोला उप्पर दे बर्जुगें ते दिव्यागें लेईं घरै वोट पाने दी सुविधा दी श्खुरूआत कीती।
- 2 जममू लोकसभा लेईं 26 मेदवारें अपने नामांकन दाखल कीते न। इस हल्के लेईं चुनां 26 अप्रैल गी होग।
- 3 प्रधानमंत्री ते बीजेपी दे वरिष्ठ लीडर नरेन्द्र मोदी होरें आक्खेआ ऐ जे एनडीए सरकार भारत गी इक विकसित मुल्ख बनाने लेईं सब्बै मुमकिन जतन करा करदी ऐ।
- 4 राष्ट्रपति द्रौपदी मुर्मू होरें अज्ज आईआईटी बाम्बे च भारत च तैआर कीती गेदी इलाज मुआलजे दी पैहली कार—टी थरैपी दी श्खुरूआत कीती।
- 5 बीजेपी दी घोषणा पत्र समिति दी बैठक नमीं दिल्ली च जारी, जेहदे लोकसभा चुनाएं लेईं घोषणा पत्र गी मुकदा रूप देने पर सोच बचार चलै करदा ऐ।

<><><><><><><>

### **Election 2024**

वरिष्ठ नागरिकें ते दिव्यांग लोकें आस्तै वोट पाने तांई मतदान केन्द्रें पर जाने आस्तै बड़ी मुश्कल पेश औंदी ऐं लम्मिएं रीगें च खड़ोना ते गर्मी झल्लना होर बी मता कठन होई जंदा ऐ। समावेशी लोकतंत्र जकीनी बनाने बक्खी इक गैह पुट्टदे होई चुनां आयोग नै लोकें आसतै घरै थमां वोट पाने दी पैहलकदमी शुरू कीती ऐ। 82 लक्ख वरिष्ठ नागरिकें ते तकरीबन 88 लक्ख दिव्यांग ते लोकें आस्सेआ वोट पाने दी तैआरी गी दिक्खदे होई घरै थमां वोट देने दी इस पैहकदमी कन्नै एह जकीनी बनी सकोग जे कोई बी नागरिक मतदान प्रक्रिया

थमां वंचित नेई रौहग। घरै थमां वोट पाने दा एह प्रावधान 85एं ब'रे थमां बद्ध उमरी दे व्यक्तिएं ते 40 फीसद जां फही एहदे थमां बद्ध विकजागता आले दिव्यांगजनं गी दित्ता जाग। मतदान प्रक्रिया गी पूरा करने आस्तै चुनां आयोग दे 2 अधिकारी, इक विडियोग्राफर ते सुरक्षाकर्मी योग्य मतदाता दे घर जांगन। एहदे अलावा चुनां आयोग सक्षम ऐपग गी बी बढावा देआ'रदा ऐ जेहड़ी चुनां प्रक्रिया च दिव्यांगजनं गी सशक्त बनाने आस्तै तैआर कीती गेदी ऐ। इस ऐप च मतदाता पंजीकरण सरबंधी सहायता, मतदान केन्द्र दी स्थिति सरबंधी सेवा ते मतदान करने सरबंधी मागदर्शन उपलब्ध ऐ। एहदे अलावा आयोग आस्सेआ समावेशी लोकतंत्र तांई अपनी प्रतिबद्धता पूरी करदे होई स्वरा सेवी, विलचेयर ते ट्रांसपोर्ट सूहलतां बी उपलब्ध करोआइयां जा'रदियां न। विकलांगता दे बजाए योग्यता पर अपना ध्यान केन्द्रित करदे होई आयोग पास्सेआ हर वोट दे महत्व ते हर नागरिक दी शमूलियत दे महत्व उप्पर जोर दित्ता जा'रदा ऐ। घरै थमां वोट पाने दी सुविधा ते सक्षम ऐप कन्नै हर इक मतदाता लोकतांत्रिक प्रक्रिया च योगदान देइ सकदा ऐ ते भारत दी चुनां प्रणाली च अपना विश्वास प्रकट करी सकदा ऐ।

<><><><><><>

## Nomination Phase-2

जम्मू पार्लिमानी हल्के लेई 26 मेदवारें अपना नामांकन भरेआ ऐ। इस हल्के च लोकसभा चुनाएं दे दुए गेड़ तैहत 26 अप्रैल गी वोट पाए जाने न। आकाशवाणी जम्मू संवाददाता दी रिपोर्ट मूजब मेदवारें अपना नामांकन जम्मू पार्लिमानी हल्के दे रिटर्निंग अफसर दे दफतरै च दाखल कीते। अज्ज नामांकन भरने दा खीरी दिन हा। नामांकन पत्रें दी जांच 6 अप्रैल गी कीती जाग। मेदवार अपना नामांकन 8 अप्रैल तगर वापस परताई सकदे न। 26 अप्रैल गी दुए गेड़ च होने आले चुनाएं च जम्मू पार्लिमानी हल्का 88 हल्कें चा इक ऐ। जम्मू रियासी पार्लिमानी हल्के च त्रै जिले जम्मू सांबा ते रियासी ओंदे न। इत्थें कल मतदाताएं दी गिनतरी 17 लक्ख 67 ज्हार 837 ऐ। जिंदे च 9 लक्ख 15 ज्हार 10 मर्द ते 8 लक्ख 52 ज्हार 7 सौ 96 महिला मतदान दे 19 ट्रांसजंडर मतदाता न। इस लोकसभा हल्के लेई

2 ज्हार 4 सौ 16 मतदान केन्द्र बनाए गेदे न ते एहदे च विधानसभा दे 18 हल्के न।



## Compaiging 1<sup>st</sup> Phase

लोकसभा चुनावं आस्तै प्रचार तेज होंदा जा'रदा ऐ। प्रमुख सियासी पार्टिं दे बड्डे नेता मुख्य भरै च जलसे ते रोड शो करै करदे न। प्रधानमंत्री ते भाजपा दे वरिष्ठ नेता नरेन्द्र मोदी होरें नमो ऐप राएं उत्तर प्रदेश च भाजपा दे वकरें गी रैली गी डिजीटल तरीके राएं संबोधत कीता। उनें कार्यकत्प्रां गी मतदान दे पिच्छले सब्बै रिकार्ड तरोड़ने दे निश्चे कन्नै कम्म करने लेई आक्खेआ। भाजपा दे वरिष्ठ नेता ते गृहमंत्री अमित शाह होरें उत्तर प्रदेश दी मुज्जफर नगर थाहरै इक चुनां रैली गी संबोधत कीता ते आक्खेआ जे प्रधानमंत्री मोदी होरें गरीबें ते करसानें आस्तै बड़ा मता कम्म कीता ऐ। तोआई कांग्रेस अध्यक्ष मल्लिकार्जुन खड़गे कल उत्तर-पूर्वी दिजजी संसदी हल्के थमां घर-घर गारंटी अभियान दी शुरूआत कीती ते आक्खेआ जे जेकर कांग्रेस दी सरकार बनी तां खाली पेदी थाहरें गी तौले पुर कीता जाग।



## PM-Bihar Rally

भाजपा दे वरिष्ठ नेता ते प्रधानमंत्री नरेन्द्र मोदी होरें आक्खेआ ऐ जे एनडीए सरकार भारत गी इक विकसित मुख्य बनाने लेई सब्बै जतन करा करदी ऐ। अज्ज बिहार दे जमुई च इक चुनां रैली गी संबोधत करदे होई मोदी होरें आक्खेआ जे 2024 दे लोकसभा चुनां भारत गी इक विकसित मुख्य बनाने लेइ होआ करदे न। उनें आक्खेआ जे भारत चन्ने दे दक्खनी धूर पर अंतरिक्ष यान कामयाबी कन्नै तोआरने आला दुनिया दा पैहला मुख्य बनी गेदा ऐ। उनें गलाया जे भारत ऐल्ले दुनिया दी 5मीं बड्डी अर्थबवस्था बनी चुके दा ऐ ते तौले गै

एहदी गिनतरी दुनिया दिएं त्रै सब्बने शा बडिडएं अर्थबवस्थाएं च होग। मोदी होरें आक्खेआ जे अज्ज दा भारत आतंकी गतिविधिएं च शामिल ते ऐसिएं गतिविधिएं गी समर्थन देने आला दा लिहाज करने दे बजाए उंदे खलाफ सख्त कारवाई करै करदा ऐ।

<><><><><><>

## **Gaurav BJP**

कांग्रेस दे प्रवक्ता गौरव वल्लभ अज्ज बीजेपी च शामिल होई गे न। उनें अज्ज बडलै कांग्रेस पार्टी च अपने सारे औहदें ते जिम्मेदारिएं परा स्तीफा देई दित्ता। उनेंगी बीजेपी महासचिव विनोद तवाड़े हुंदी मजूदगी च पार्टी च शामिल कीता गेआ। तोआई बिहार कांग्रेस दे साबका प्रधान अनिल शर्मा बी इस मौके बीजेपी च शामिल होई गे।

<><><><><><>

## **ECI Fake Message**

निर्वाचन आयोग नै सोशल मीडिया प्लेटफार्म वट्सऐप पर फैलाए जा'रदे झूठे ते अरमाने आले उस सनेह गी फर्जी करार दित्ता ऐ जेहदे च आक्खेआ गेआ ऐ जे सरकारी कर्मचारी डाक मतपत्र राएं मतदान नेई करी सकदे। इक सोशल मीडिया पोस्ट च आयोग नै आक्खेआ ऐ जे चुनां ड्यूटी पर तैनात अधिकारी मतदाता सुविधा केन्द्र राएं डाक मतपत्र राएं मतदान करी सकदे न। आयोग नै लोकें थमां सौहगे रौहने ते फर्जी सनेहें थमां स्तक रौहने लेई गलाया ऐ। लोकें गी पुख्ता जानकारी लेई आयोग दी अधिकारिक वेबसाइट दिक्खने लेई आक्खेआ गेआ ऐ।

<><><><><><>

## **President CAR-T**

राष्ट्रपति द्रौपदी मुर्मू होरें अज्ज इंडियन इंस्टीच्यूट ऑफ टैक्नालोजी बाम्बे च. भारत च तैआर कीती गेदी इलाज मुआलजे दी पैहली कार-टी थरैपी दा उद्घाटन कीता। इस मौके पर बोलदे होई राष्ट्रपति होरें आक्खेआ जे इलाज गी इस सस्ती पद्धति कन्नै समूलची मानवता आस्तै इक नमीं मेद बज्झी ऐ। उनें मेद प्रकट कीती जे भारत दी पैहली जीन-थरैपी नेकां मरीजें गी नमां जीवन देने च सफल होग। राष्ट्रपति होरें आक्खेआ जे इस पद्धति कन्नै भारत आधुनिक इलाज दी सुविधा च विश्व दे नक्शे पर आई गेआ ऐ ते इस भलेयां नमीं टैक्नालोजी कन्नै सम्पन्न मुल्खें दी सूचि च शामिल होई गेआ ऐ।

<><><><><><>

## VP Students

उपराष्ट्रपति जगदीप धनखड़ होरें नमीं दिल्ली दे संसद भवन च धोलपुर राष्ट्रीय सेना स्कूल दे विद्यार्थिणं कन्नै गल्लबात कीती। एह विद्यार्थी राज्यसभा आस्सेआ आयोजित त्रै रोजा अध्ययन सरबंधी दौरे आले कार्यक्रम च हिस्सा लै'रदे हे।

<><><><><><>

## BJP Manifesto Meeting

भारतीय जनता पार्टी दी चुनां घोषणा पत्र समिति दी बैठक नमीं दिल्ली दे पार्टी मुख्यालय च चलै करदी ऐ। जेहदे च लोकसभा चुनां लेई पार्टी दे घोषणा पत्र गी मुकदा रूप देने लेई सोच बचार चलै करदा ऐ। बीजेपी दे वरिष्ठ नेता ते केन्द्री मंत्री राजनाथ सिंह हुंदी अध्यक्षता च 27 मिंबरी समिति दी एह दूई बैठक ऐ। बैठका च पार्टी दे वरिष्ठ नेता ते केन्द्री मंत्री निर्मला सीतारमण, अश्विनी वैष्णव, किरें रिजिजू ते होर केई लीडर मजूद न। खीरी जानकारी थोने तगर बैठक अजें चलै करदी ही। तोआई कांग्रेस दा आक्खना ऐ जे ओह कल अपना घोषणा

पत्र जारी करोग। पार्टी अध्यक्ष मल्लिकार्जुन खड़गे ते वरिष्ठ नेता राहुल गांधी होर पार्टी दा घोषणा पत्र जारी करगंन।

<><><><><><>

## CPI-M Manifesto

मार्क्सवादी कम्युनिस्ट पार्टी सीपीआई(एम) नै अज्ज लोकसभा चुनां लेई अपना घोषणा पत्र जारी कीता। पार्टी महासचिव सीताराम येचुरी, पोलित ब्यूरो दे मिंबर प्रकाश करात, बृदा करात, नालोत्पाल बासु ते तपन सेन होरें अज्ज नमीं दिल्ली च घोषणा पत्र जारी कीता। घोषणा पत्रद च बड़े मते अमीर लोकें पर टैक्स लाने, उत्तराधिकार टैक्स, ते आम सम्पत्ति टैक्स पर कनून बनाने ते प्राइवेट सेक्टर च आरक्षण, चुनां लेई सरकारी चंदा किट्ठा करने ते सियासी पार्टिएं गी थ्होने आले कारपोरेट चंदे पर रोक लाने दा बी वायदा कीता ऐ। इस मौके सीताराम येचुरी होरें आक्खेआ जे पार्टी देश च लोकतंत्र ते धर्मनिपक्खता गी होर मजबूत करोग। उनें लोकें अगें अपील कीती जे ओह बीजेपी गी हरान तां जे केन्द्र च नमीं सरकार बनी सकै।

<><><><><><>

## NATO-75 Years

नाटो, यूरोप ते उत्तरी अमरीका च सामूहिक रक्षा संधि दे अज्ज 75 ब'रे मना करदा ऐं इस मौके पर ब्रेसलस च आयोजित इक विशेष समारोह च अमरीका दे विदेश मंत्री एंटोनी ब्लिंकन ते होरने मुल्खें दे उंदे जोड़ीदारें रलियै केक कट्टेआ। नाटो संधि पर गठबंधन दे नेताएं वाशिंग्टन च अज्जै दे रोज यानि 4 अप्रैल 1949 गी दस्तखत कीते हे। इस सिलसिले च 9 कोला 11 जुलाई तगर

वाशिंगटन च नाटो नेताएं दी बैठक दे नेताएं दी बैठक दरान बड्डे समारोह दी योजना बनाई गई ऐ। शुरू च नाटो दे संस्थापक मिंबरें दी गिनतरी 12 ही पर हून पिछले 7 दहाकें च एह गिनतरी त्रै गुणा बधी गेदी ऐ। वाशिंगटन संधि दे अनुच्छेद 5 च आक्खेआ गेदा ऐ जे संगठन दे कुसै बी मिंबर पर हमले दा किट्टे रलियै सामूहिक तौरा परता दित्ता जाग। इस अनुच्छेद दा इस्तेमाल शड़ा इक्कै बारी 2001 च कीता गेआ हा जिसलै अमरीका पर अलकायदा नै हमले कीते हे।

<><><><><><>

## Russia NATO

रूस दे उपविदेश मंत्री अलेरजेंडर गुशको होरें आक्खेआ ऐ जे रूस ते नाटो बश्कार रिश्ते खराब होंदे जा करदे न पर रूस दी इक नाटो मुख्य कन्नै कुसै पंगै च पौने दी कोई मंशा नेई ऐ। नाटो दे 75 ब'रे पूरे होने दे मौके पर गुशको होरें रूस दी सरकारी समाचार अजेंसी आरआईए गी दस्सेआ जे रूस नै 2022 च यूक्रेन च अपना विशेष अभियान चलाया तां जे नाटो रूस दे आले दुआले अपने पैर नेई पसारी सकै।

<><><><><><>

## IPL

आईपीएल एल्लै अहमदाबाद दे नरेन्द्र मोदी स्टेडियम च गुजरात टाइटन्स दा मकाबला पंजाब किंग्स कन्ने शुरू होई गेदा ऐ। किश चिरै पैहले पंजाब किंग्स नै टॉस जित्तियै पैहले गेंदबाजी करने दा फैसला लैता। कल रातीं विशाखापत्तनम दे वाई.एस.राज शेखर रेड्डी स्टेडियम च कोलकाता नाईट राइडर्स नै दिल्ली कैपिटल्स गी 106 रंजें कन्नै हराई दित्ता। पैहले बल्लेबाजी करदे होई कोलकाता दी टीम नै 20एं ओवरें च 7 विकटें दे नुक्सान पर 272 रंज बनाए। जिसले के दिल्ली कैपिटल्स दी टीम 17 ओवरें ते 2 गेंदें गै खेड्डी सकी ते उन्ने 166 रंज बनाए।

